

Vinnuskóli



Grundarfjarðar

## Grundarfjarðarbær

### Sumarið 2013

### Reglur

**Vinnuskóli fyrir nemendur 8., 9. og 10. bekkjar. Unglingar fæddir 1997, 1998 og 1999.**

Vinnuskóli Grundarfjarðar verður starfræktur sumarið 2013 frá 3. júní til 5. júlí, alls í fimm vikur. Vinnutími er 7 klst. á dag, kl. 8:00-12:00 og 13:00-16:00, mánudaga-föstudaga.

Vinnuskólinn er sambland af námi og starfi. Þeir sem taka þátt í allri dagskránni fá greidd laun fyrir fræðsludaga. Í lokin verður síðan vegleg grillveisla. Vinnan felst aðallega í fegrun og snyrtingu opinna svæða. Auk þess að læra grunnatriði við almenna vinnu, stundvísi, vinnu með öðrum, meðferð og frágang áhalda og tækja.

Allir nemendur Vinnuskóla Grundarfjarðar fá umsögn um frammistöðu sína að sumarstarfi loknu. Atriði sem skipta máli í matinu eru: Stundvísi, framkoma, hæfni til að taka fyrirmælum, vandvirkni, sjálfstæði í vinnubrögðum, samvinna, afköst og meðferð verkfæra.

#### Vinnureglur

- Mæta ber stundvíslega til vinnu og sýna hlýðni og kurteisi.
- Beiðni um leyfi þarf að berast umsjónarmanni vinnuskólans með nægum fyrirvara.
- Ef veikindi verða þurfa foreldrar eða forráðamenn að tilkynna þau til Ragnheiðar umsjónarmanns vinnuskólans í s. 690 6559 fyrir kl. 08:00 á veikindadegi.
- Fara skal vel með verkfæri og fara eftir leiðbeiningum og fyrirmælum leiðbeinanda.
- Greidd eru laun fyrir fræðsludag ef tekið er þátt í allri dagskrá vinnuskólans.
- Dregið er af launum ef mætt er of seint til vinnu. Ítrekuð brot varða brottrekstri úr skólanum.
- Nemendur leggja sjálfir til allan fatnað og skulu koma til vinnu klæddir með tilliti til verkefna og veðurfars.
- Nemendur hafi ávalt með sér nesti.
- Gos og sælgæti er óheimilt.
- Sjoppu- og búðarráp er óheimilt.
- Brot á starfsreglum getur þýtt brottvísun, að undangenginni áminningu.
- Umsjónarmaður vinnuskólans veitir áminningar og getur vikið nemendum úr starfi.
- Vinnuskólinn er reyklaus vinnustaður. Það gildir einnig á leið til og frá vinnu.

**Starfskjör:**

Laun og kjör unglunga eru ekki tengd stéttarfélagssamningum.

Unglingar fæddir 1998 eða síðar eru undanþegnir staðgreiðslu skatta.

Unglingar fæddir 1997 eða fyrr ber að skila skattkortum og greiða í Lífeyrissjóð starfsmanna sveitarfélaga. Framlag reiknast frá 16 ára afmælisdegi.

Unglingar eru tryggðir launþegatryggingu sem tryggir þá í vinnu og á beinni leið til og frá vinnu.

**Laun með orlofsgreiðslu:**

Nemendur í 8. bekk (fæddir 1999) fá 586 kr. á tímann.

Nemendur í 9. bekk (fæddir 1998) fá 717 kr. á tímann.

Nemendur í 10. bekk (fæddir 1997) fá 847 kr. á tímann.

Orlofsfé er 10,17% og greiðist á alla tímavinnu. Orlofsgreiðsla er innifalin í tímalaunum.

Útgreiðsla launa fer fram 1. júlí og 1. ágúst 2013.